

Soal jawab agama



Bersama **DR. MOHAMMAD NIDZAM ABDUL KADIR AL-JARUMI**

Pensyarah di Fakulti Ekologi Manusia, Universiti Putra Malaysia dan pendakwah bebas. Kemusykilan boleh diajukan ke nidium@yahoo.com

Kena ikhtiar raih hidayah

ADA golongan menolak ajakan ke arah kebaikan dengan alasan masih belum mendapat hidayah Ilahi. Katanya, hidayah milik Allah. Jika Dia memberi hidayah sudah tentu dia akan melakukan kebaikan. Benarkah demikian?

HIDAYAH adalah milik Allah. Namun tiada seorang pun mengetahui tentang perkara ini sehingga kita berhujah bahawa kita belum mendapat hidayah.

Oleh itu, kita sewajarnya berusaha ke arah kebaikan dan berusaha mencari hidayah. Ini kerana jalan kebaikan dan

keburukan terhampar di hadapan kita.

Sama seperti sihat dan sakit. Tiada siapa pun mengetahui ketentuan Ilahi sama ada sihat atau sakit. Namun kita sewajarnya berusaha ke arah hidup yang sihat dengan menjaga pemakanan, senaman, gaya hidup dan sebagainya. Apabila ditimpa penyakit sedangkan kita telah berusaha menjaga kesihatan maka janganlah berputus asa kerana ia adalah ketentuan qada dan qadar Allah.

Oleh itu, berusahalah untuk meraih hidayah Ilahi. Ini kerana jalan kebaikan terbentang luas.

